

Agencija za akreditaciju visokoškolskih  
ustanova Republike Srpske  
Broj: 22/11  
Datum: 21.06.2011.godine  
Banja Luka

Agencija za razvoj visokog obrazovanja i  
osiguranje kvaliteta Bosne i Hercegovine  
Broj: \_\_\_/11  
Datum: 21.06.2011.godine  
Banja Luka

## **ZAPISNIK SA SASTANKA AGENCIJE ZA AKREDITACIJU VISOKOŠKOLSKIH USTANOVA REPUBLIKE SRPSKE I AGENCIJE ZA RAZVOJ VISOKOG OBRAZOVANJA I OSIGURANJE KVALITETA BOSNE I HERCEGOVINE**

Sastanku su prisustvovali: prof. dr Miroslav Bobrek, v.d. direktora Agencije za akreditaciju visokoškolskih ustanova Republike Srpske, prof. dr sc. Nihad Fejzić, direktor Agencije za razvoj visokog obrazovanja i osiguranje kvaliteta Bosne i Hercegovine, mr Biljana Vojvodić, načelnik Odjeljenja za visoko obrazovanje Ministarstva prosvjete i kulture Republike Srpske, i Doc. dr Zorica Drljača, Sektor za pravne poslove u Agenciji za razvoj visokog obrazovanja i osiguranje kvaliteta Bosne i Hercegovine.

Sastanak je održan u prostorijama Ministarstva prosvjete i kulture Republike Srpske sa početkom u 11.00 Završen je u 13.30. Nakon uvodnih razgovora usaglašen je sljedeći:

### **DNEVNI RED**

1. Razmatranje zajedničkih aktivnosti i dodirnih tačaka u budućem procesu za akreditaciju visokoškolskih ustanova u Republici Srpskoj
2. Aktuelna pitanja saradnje i zajedničkih aktivnosti dvije agencije

#### **Ad 1.**

Prof. dr M. Bobrek je obrazložio prijedlog strukture procesa akreditacije predstavljenog u šematskom obliku, uz napomenu da je struktura sačinjena na bazi istraživanja evropske prakse u institucionalnoj i programskoj akreditaciji, uključujući specifičnosti visokog obrazovanja u Republici Srpskoj i Bosni i Hercegovini. Predložena struktura je sastavljena od 4 faze: predakreditacijske aktivnosti, aplikacija za akreditaciju od strane VŠU, eksterna evaluacija i izdavanje rješenja o akreditaciji. Detaljan prikaz predložene strukture je dat u prilogu zapisnika.

#### **Zaključak 1.1**

Kroz razgovor je naglašen značaj realizacije prve faze (PREDAKREDITACIJSKE AKTIVNOSTI) kako bi se visokoškolske ustanove što bolje pripremile za predstojeći proces akreditacije. U tom smislu značajnu ulogu će imati Akreditacijski forum kao oblik javnih

stručnih konsultacija istaknutih stručnjaka u oblasti obezbjeđenja kvaliteta visokog obrazovanja, predstavnika akademske zajednice i nadležnih državnih institucija. Fokus ovih javnih konsultacija treba da bude usmjeren ka analizi i preispitivanju efektivnosti provedenih procesa samoevaluacije u odnosu na standarde i kriterije. Također je naglašeno da ove aktivnosti ne treba da vode ka šabloniziranju i unifikaciji procesa internog obezbjeđenja kvaliteta u različitim visokoškolskim ustanovama, već da usmjeravaju VŠU ka isticanju svojih specifičnosti i dobre prakse. Time će se doprinijeti raznolikosti pristupa i koncepata visokog obrazovanja, što i jeste jedan od principa evropskog prostora visokog obrazovanja.

#### Zaključak 1.2

U aktivnosti FORMIRANJE KOMISIJE STRUČNJAKA postoje zajedničke aktivnosti obe agencije, te će se u njenoj realizaciji poštovati sljedeći principi:

- Prilikom predlaganja Komisije stručnjaka Agencija RS će izvršiti prethodne komunikacije i konsultacije kako sa potencijalnim članovima sa Liste eksperata, tako i sa Agencijom BiH u pogledu njihove raspoloživosti, eventualnog postojanja sukoba interesa i drugih relevantnih pitanja,
- Rješenje o formiranju komisije stručnjaka će izdati Agencija BiH u roku od 7 dana od ispostavljanja prijedloga Agencije RS, u kome će se napomenuti da će Ugovor o međusobnim obavezama i uslovima angažovanja eksperti sklopiti sa Agencijom RS,
- Agencija RS će imenovati sekretara komisije koji će pružati administrativnu i tehničku podršku radu Komisije tokom i nakon procesa eksterne evaluacije,
- Agencija RS će sačiniti Ugovor sa ekspertima u kojem će zahtijevati njihovo pismeno izjašnjenje o ne postojanju sukoba interesa,
- Agencija BiH će u septembru 2011 inicirati raspravu o preispitivanju kriterija za imenovanje eksperata na listu, u okviru koje će se procijeniti potreba ažuriranja liste sa novim ekspertima.

#### Zaključak 1.3

Agencija RS će, u saradnji sa odabranom institucijom, sačiniti Program obuke članova tima za eksternu provjeru. Obuku treba obavezno da završe sekretar komisije iz Agencije i najmanje jedan član Komisije stručnjaka, koji će doprinijeti izradi efektivnog Plana i programa eksterne evaluacije.

#### Zaključak 1.4

Tokom izrade Izvještaja o eksternoj evaluaciji Komisija stručnjaka treba da obavijesti predstavnike visokoškolske ustanove o svojim nalazima i svom ukupnom mišljenju, kao i da obezbijedi njihovo izjašnjavanje o predocnim nalazima. Nakon toga će Agencija RS objaviti Izvještaj ili njegovu skraćenu verziju na svojoj WEB stranici da bude dostupan svim zainteresovanim stranama.

#### Zaključak 1.5

Razgovarano je o mogućim modelima ocjenjivanja nivoa ispunjavanja pojedinih standarda i kriterija, iz čega bi mogla proizaći i ukupna brojana ocjena za visokoškolsku ustanovu.

Time bi se omogućilo uspostavljanje određenog praga u vidu minimalno potrebne ocjene za dobijanje akreditacije. Razgovarano je o varijantama skale za ocjenjivanje 1-4 ili 1-5, kao i kriterijima za dodjelu pojedinog nivoa u funkciji uspostavljanja pojedinih faza iz tzv. Demingovog kruga kvaliteta, a po uzoru na neke već postojeće modele ocjenjivanja. Dogovoreno je da se o ovom pitanju izvrši dodatna stručna rasprava i usaglašavanje.

#### Zaključak 1.6

U cilju davanja Preporuke o akreditaciji, Agencija BiH će usaglasiti da li je Odluka o akreditaciji u skladu sa Okvirnim zakonom o visokom obrazovanju u BiH. Također je dogovoreno da će Agencija RS ispostaviti zahtjev za davanje Preporuke za akreditaciju sa priloženim mišljenjem Komisije stručnjaka, a Agencija BiH će izdati Preporuku o akreditaciji u roku od 15 dana od ispostavljanja Zahtjeva.

#### Zaključak 1.7

Razgovarano je i o drugim pitanjima vezanim za proces akreditacije VŠU koje je potrebno usaglasiti, među kojima je jedno od najvažnijih izgradnja metodologije INSTITUCIONALNE I PROGRAMSKE EVALUACIJE. Ovo pitanje, kao i druga praktična pitanja će se usaglašavati kroz stručnu raspravu vođenu prije početka procesa akreditacije, kao i kroz pilot projekte koji su u toku u visokoškolskim ustanovama BiH.

#### Ad 2.

U razgovorima vezanim za mogućnosti i oblike saradnje između dvije agencije, naglašen je značaj zajedničkih i koordiniranih aktivnosti na uspostavljanju validnog sistema akreditacije u Bosni i Hercegovini. Već je sada evidentno da će u pojedinim segmentima proces akreditacije imati različita rješenja u pojedinim entitetima odnosno kantonima, zavisno od uspostavljenih i provedenih zakonskih rješenja. Zajedničke aktivnosti konkretno će se realizovati kroz:

- učešće u zajedničkim projektima kao što su TEMPUS, TWINING i drugi,
- priprema i organizovanje zajedničke konferencije u septembru posvećene procesu akreditacije VŠU u Bosni i Hercegovini.

ZAPISNIK SAČINILA

Nataša Rodić

DIREKTOR HEAA RS

Prof. dr Miroslav Bobrek

DIREKTOR HEA BiH

Prof. dr Nihad Fejzić